

唐  
音  
統  
籤

丙籤二十七岑參之五

唐音統籤卷

一百二十七

五言律詩一

長門怨

君王嫌妾妬閉妾在

一作向

長門舞袖垂新寵愁眉

結舊恩緣錢生

一作侵

履跡紅粉濕啼痕羞被桃花

笑看春獨不言

省中卽事

華省謬爲郎蹉跎鬢已蒼到來恒僕被隨例且含

香竹影遮牕暗花陰拂簟涼君王新賜筆草奏向

明光

唐音統籤

卷一百二十七

丙

終南東谿中作

谿水碧於草潺潺花底流沙平堪濯足石淺不勝舟  
洗藥朝與暮釣魚春復秋興來從所適還欲向  
滄洲

還東山洛上作

春流急不淺歸棹去何遲愁客葉舟裏夕陽花水  
時雲晴開蟬竦棹發起鷓鴣莫道東山遠衡門在  
夢思

南溪別業

結宇依青嶂開軒對翠疇樹交花兩色溪合水重

流竹遲春來掃蘭樽夜不收道遙自得意鼓腹醉  
中遊

北庭作

鴈塞通鹽澤龍堆接醋溝孤城天北畔絕域海西  
頭秋雪春仍下朝風夜不休可知年四十猶自未  
封侯

首秋輪臺

異域陰山外孤城雪海邊秋來唯有鴈夏盡不聞  
蟬雨拂羶牆濕風搖毳幕羶輪臺萬里地無事歷  
三年

輪臺卽事

輪臺風物異地是古單于三月無青草千家盡白  
榆蕃書文字別胡俗語音殊愁見流沙北天西海  
一隅

河西春暮憶秦中

渭北春已老河西人未歸邊城細草出客館梨花  
飛別後鄉夢數昨來家信稀涼州三月半猶未脫  
寒衣

過酒泉憶杜陵別業

昨夜宿祈連今朝過酒泉黃沙西際海白草北連

天愁裏難消日歸期尚隔年陽關萬里夢知處杜陵田

早發馬耆懷終南別業

曉笛別鄉淚秋冰鳴馬蹄一身虜雲外萬里胡天西終日見征戰連年聞鼓輦故山在何處昨日夢清谿

宿鐵關西館

馬汗踏成泥朝馳幾萬蹄雪中行地角火處宿天倪塞迴心常怯鄉遙夢亦迷那知故園月也到鐵

關西

夜過盤石隔河望永樂寄閨中效齊梁體

盈盈一水隔寂寂二更初波上思羅襪魚邊憶素  
書月如眉已盡雲似鬢新梳春物知人意桃花笑  
索居

楊固店

客舍梨葉赤鄰家聞擣衣夜來嘗有夢墮淚緣思  
歸洛水行欲盡緱山看漸微長安祇千里何事信  
音稀

晚發五渡

客厭巴南地鄉鄰劔北天江村片雨外野寺夕陽

邊芋葉藏山徑蘆花雜渚田舟行未可住乘月且  
須牽

巴南舟中思陸渾別業

瀘水南州遠巴山北客稀嶺雲撩亂起谿鷺等閑  
飛鏡裏愁衰鬢舟中換旅衣夢寃知憶處無夜不  
先歸

巴南舟中夜書事

渡口欲黃昏歸人爭渡喧近鐘清野寺遠火點江  
村見鴈思鄉信聞猿積淚痕孤舟萬里外

一作秋夜

月不堪論



月于糸  
初至犍爲作

山色軒檻內灘聲枕席間  
草生公府靜花落訟庭  
閑雲雨連三峽風塵接百蠻  
到來能幾日不覺鬢  
毛斑

江上春歎

臘月江上煖南橋新柳枝  
春風觸處到憶得故園  
時終日不如意出門何所之  
從人覓顏色自笑弱  
男兒

郡齋平望江山

水路東連楚人煙北接巴山  
光闡一郡江月照千

家庭樹純栽橘園畦半種茶夢覓知憶處無夜不  
京華

登涼州尹臺寺

胡地三月半梨花今始開因從老僧飯更上大夫  
臺清唱雲不去彈絃風颯來應須一倒載還似山  
公回

登總持閣

高閣逼諸天登臨近日邊晴開萬井樹愁看五陵  
煙檻外低秦嶺廳中小渭川早知清淨理常願奉  
金僊

初授官題高冠草堂

三十始一命宦情多

一作都

欲闌自憐無舊業不敢

耻徵官澗水吞樵路山花醉藥欄祇緣五斗米辜

負一漁竿

題新鄉王金廳壁

憐君守一尉家計復清貧祿米嘗不足俸錢供與人  
城頭蘇門樹陌上黎陽塵不是舊相識聲同心  
自親

題永樂韋少府廳壁

大河南郭外終日氣昏昏白鳥下公府青山當縣

門故人是邑尉過客駐征軒不憚煙波闊思君一  
笑言

漢上題韋氏莊

結茅聞楚客卜築漢江邊日落數歸鳥夜深聞扣  
舷水痕侵岸柳山翠借厨煙調笑提筐婦春來蠶  
幾眠

題金城臨河驛樓

古戍依重險高樓見五涼山根盤驛道河水浸城  
牆庭樹巢鸚鵡園花隱麝香忽如江浦上憶作捕  
魚郎

題虢州西樓

錯料一生事蹉跎今白頭縱橫皆失計妻子也堪羞  
明主雖然棄丹心亦未休愁來無去處祇上郡西樓

題山寺僧房

牕影搖羣木牆陰戴一峯野爐風自蕺山碓水能  
春勤學翻知誤爲官好欲慵高僧暝不見月出但  
聞鐘

高冠

官作

谷口招鄭鄠

谷口來相訪空齋不見君澗花然暮雨潭樹煖春

雲門徑稀人迹簷峯下鹿羣衣裳與枕席山靄碧  
氛氲

春興思南山舊廬招柳建正字

終歲不得意春風今復來自憐蓬鬢改羞見梨花  
開西掖誠何戀南山思早回園廬幸接近相與歸  
蒿萊

暮秋會嚴京兆後廳竹齋

京兆小齋寬公庭半藥欄甌香茶色嫩廳冷竹聲  
乾盛德中朝貴清風畫省寒能將吏部鏡照取寸  
心看

行軍雪後月夜宴王卿家

子夜雪華餘卿家月影初酒香薰地席鑪氣煖軒  
除晚歲宦情薄行軍歡宴疎相逢刺取醉身外盡  
空虛

喜華陰王少府使到南池宴集

有客至鈴下自言身姓梅僊人掌裏使黃帝鼎邊  
來竹影拂碁局荷香隨酒杯池前堪醉卧待月未  
須回

奉陪封大夫宴得征字時封公兼鴻臚卿

西邊虜盡平何處更專征幕下人無事軍中政已

成座參殊俗語樂雜異方聲  
醉裏東樓月偏能照  
列卿

陪封大夫宴瀚海亭納涼得時字

細管雜青絲  
千杯倒接離軍中  
乘興出海上  
納涼時  
日沒烏飛急  
山高雲過遲  
吾從大夫後  
歸路擁旌旗

奉陪封大夫九日登高

九日黃花酒登高會  
昔聞霜威逐亞相  
殺氣傷中軍  
橫笛驚征鴈  
嬌歌落塞雲  
邊頭幸無事  
醉舞荷吾君



陪使君早春東郊遊眺

得春字

太守擁朱輪東郊物候新  
鶯聲隨坐嘯柳色喚行春  
谷口雲迎馬谿邊水照人  
郡中叨佐理何幸接芳塵

早春陪崔中丞同泛沔花谿宴

旌節臨谿口寒郊陡覺暄  
紅亭移酒席畫舸逗江村  
雲帶歌聲颺風飄舞袖翻  
花間催秉燭川上欲黃昏

虢州西亭陪端公宴集

紅亭出鳥外駿馬繫雲端  
萬嶺牕前睥千家肘底

看開瓶酒色嫩踏地葉聲乾爲逼霜臺使重裘也  
覺寒

春日醴泉杜明府承恩五品宴席上賦詩

鳧鳥舊稱僊鴻私降自天青袍移草色朱綬奪花  
然邑裏雷仍震臺中星欲懸吾兄此棲棘因得賀  
初筵

梁州陪趙行軍龍岡寺北庭泛舟宴王侍御

得長  
字

誰宴霜臺使行軍粉署郎唱歌江鳥沒吹笛岸花  
香酒影搖新月灘聲聒夕陽江鐘聞已暮歸棹綠

川長

與鮮于庶子泛漢江

急管更須吹杯行莫遣遲酒光紅琥珀江色碧琉璃  
日影浮歸棹蘆花罨釣絲山公醉不醉問取葛  
疆知

晦日陪侍御泛北池

春池滿復寬晦節耐邀歡月帶蝦蟇冷霜隨獬豸  
寒水雲低錦席岸柳拂金盤日暮舟中散都人夾  
道看

與鄂縣羣官泛漾陂

萬頃浸天色千尋窮地根舟移城入樹岸闊水浮  
村閑鶯鶯簫管潛蚪傍酒樽暝來呼小吏列火儼  
歸軒

與鄆縣源少府泛漢陂

得人字

載酒入天色水涼難醉人清搖縣郭動碧洗雲山  
新吹笛鶯白鶯垂竿跳紫鱗憐君公事後陂上日  
娛賓

雪後與羣公過慈恩寺

乘興忽相招僧房暮與朝雪融雙樹濕紗闌

一作閑

一燈燒竹外山低塔藤間院隔橋歸家如欲戀俗

慮向來銷

號州卧疾喜劉判官相過水亭

卧疾嘗晏起朝來頭未梳見君勝服藥清話病能  
除低柳供繫馬小池堪釣魚觀棊不覺暝月出水  
亭初

號州南池候嚴中丞不至

池上日相待知君殊未回徒教柳葉長漫使梨花  
開駟馬去不見雙魚空往來相思不解說孤負舟  
中杯

尋陽七郎中宅卽事

萬里信蒼蒼機心久已忘無端來出守不是厭爲  
郎雨滴芭蕉赤霜催橘子黃逢君開口笑何處有  
他鄉

春尋河陽陶處士別業

風煖日暎暎黃鸝飛近村花明潘子縣柳暗陶公  
門藥椀搖山影魚竿帶水痕南橋車馬客何事苦  
喧喧

攜琴酒尋閩防崇濟寺所居僧院

得濃字

相訪但尋鐘門寒古殿松彈琴醒暮酒卷幔引諸  
峯事愜林中語人幽物外蹤吾廬幸接近茲地興

偏濃

尋山室張山人聞與偃師周朗府同入都

中峯鍊金客昨日遊人間葉縣鳧共去葛陂龍暫  
還春雲湊深水秋雨懸空山寂寂青谿上空餘丹  
竈閑

晚過盤石寺禮鄭和尚

暫詣高僧話來尋野寺孤岸花藏水碓谿竹一作水

映風爐頂上巢新鵲一作鶴衣中帶一作得舊珠談禪

未得去輟棹且踟躕

宿岐州北郭嚴給事別業

郭外山色暝主人林館秋疎鐘入卧內片月到牀頭  
遙夜惜已半清言殊未休君雖在青瑣心不忘  
滄洲

聞崔十二侍御灌口夜宿報恩寺

聞君尋野寺便宿支公房  
露月冷深殿江雲擁迴廊  
然燈松林靜煮茗柴門香  
勝事不可接相思幽興長

武威春暮聞宇文判官西使還已到晉昌

片雨過城頭黃鸝上戍樓  
塞花飄客淚邊柳挂鄉愁  
白髮悲明鏡青春換弊裘  
君從萬里使聞已到



瓜州

漢川山行呈成少尹

西蜀方攜手南宮憶比肩平生猶不淺羈旅轉相  
憐山店雲迎客江村犬吠船秋來取一醉須待月  
光眠

奉和杜相公初發京城作

按節辭黃閣登壇戀赤墀銜恩期報主授律遠行  
師野鵲迎金印郊雲拂畫旗叨陪幕中客敢和出  
車詩

敬酬李判官使院仰事見呈

公府日無事吾徒只是閑草根侵柱礎苔色上門  
關飲硯時見鳥卷簾晴對山新詩吟未足昨夜夢  
東還

虢州酬辛侍御見贈

門柳葉已大春花今復闌鬢毛方二色愁緒日千  
端夫子履新命鄙夫仍舊官相思難見而時展尺  
書看

酬崔十三侍御登玉壘山思故園見寄

玉壘天晴望諸峯盡覺低故園江樹北斜日嶺雲  
西曠野看人小長空共鳥齊高山徒仰止不得日

攀躋

寄左省杜拾遺

聯步趨丹陛分曹限紫微  
曉隨天仗入暮惹御香歸  
白髮悲花落青雲羨鳥飛  
聖朝無闕事自覺諫書稀

歲暮積外寄元摠

西風傳戍鼓南望見前軍  
沙磧人愁月山城犬吠雲  
別家逢逼歲出塞獨離羣  
髮到陽關白書今遠報君

寄宇文判官

西行殊未已東望何時還終日風與雪連天沙復  
山二年領公事兩度過陽關相憶不可見別來頭  
已斑

七月三日在內學見有高道舉徵宿關西客  
舍寄東山巖許二山人

雲送關西雨風傳渭北秋孤燈然客夢寒杵搗鄉  
愁灘上思巖子山中憶許由蒼生今有壘飛詔下  
林丘

丘中春卧寄王子

田中開白室林下閉玄關卷跡人方處無心雲自

閑竹深喧暮鳥花缺露春山勝事那能說王孫去  
未還

江行夜宿龍吼灘臨眺思我眉隱者兼寄幕  
中諸公

官舍臨江口灘聲已

一作人

慣聞水煙晴吐月山火

夜燒雲且欲尋方士無心戀使君異鄉何可住况  
復久離羣

臨洮泛舟趙僊舟自北庭罷使還京

白髮輪臺使邊功竟不成雲沙萬里地孤負一書  
生池上風迴舫橋西雨過城醉眠鄉夢罷東望羨

歸程

皇朝文獻通考

卷一百二十七

十五

五

卷終

丙籤二十七岑參之六

唐音統籤卷

一百二十八

五言律詩二

奉送李太保兼御史大夫充渭北節度使

太即

尉光  
弼弟

詔出未央宮登壇近總戎上公周太保副相漢司  
空弓袍關西月旗翻渭北風弟兄皆許國天地荷  
成功

送李司諫歸京

得長  
字

別酒爲誰香春官駁正郎醉經秦樹遠夢怯漢川  
長雨過風頭黑雲開日脚黃知君解起草早去入

文昌

趙少尹南亭送鄭侍御歸東臺

得長字

紅亭酒麩香白面繡衣郎  
砌冷蟲喧座簾疎雨到  
林鐘催雜興急絃逐醉歌  
長關樹應先落隨君滿  
路霜

送趙侍御歸上都

驄馬五花毛青雲歸處高  
霜隨驅夏暑風逐振江  
濤執簡皆推直勤王首告  
勞帝城雖不戀回望動  
離騷

送裴侍御赴歲入京

得陽字



羨他驄馬郎元日謁明光  
立處聞天語朝回惹御  
香臺寒柏樹綠江暖柳  
條黃惜別津亭暮揮戈  
憶  
魯陽

送韋侍御先歸京

得寬字

聞欲朝龍闕應須拂豸冠  
風霜隨馬去炎暑爲君  
寒客淚題書落鄉愁對  
酒寬先憑報親友後月到  
長安

西亭送蔣侍御還京

得來字

忽聞驄馬至喜見故人來  
欲語多時別先愁計日  
回山河空晚眺雲霧待  
賴一作君開爲報烏臺客須

憐白髮催

送顏評事入京

顏子人歎屈宦遊今未遲佇聞明主用豈負青雲

姿江柳秋吐葉山花寒滿枝知君客一作愁處月

滿一作出又作落巴川時

送王伯倫應制授正字歸

當年最稱意數子不如君戰勝時偏許名高人共

一作聞半天賊北雨斜日灞西雲科斗皆成字無

令錯古文

送羽林長孫將軍赴歙州

剖竹向江濱能名計日聞隼旗新刺史虎劍舊將  
軍驛舫宿湖月州城浸海雲青門酒樓上欲別醉  
醺醺

送任郎中出守明州

罷起郎官草初分刺史符城邊樓枕海郭裏樹侵  
湖郡政傍連楚朝恩獨借吳觀濤秋正好莫不上  
姑蘇

鳳翔府行軍送程使君赴成州

程侯新出守好日發行軍拜命時人羨能官聖主  
聞江樓黑塞雨山郭冷秋雲竹馬諸童子朝朝待

使君

送絳州李司馬秩滿歸京因呈李兵部

久客厭江月罷官思早歸  
眼看春色老羞見梨花  
飛劍北山居小巴南音信稀  
因君報兵部愁淚月沾衣

送揚州王司馬

君家舊淮水水上到揚州  
海樹青官舍江雲黑郡樓  
東南隨去鳥人吏待行歸  
一作舟爲報吾兄道如

今已白頭

送郭司馬赴伊吾郡請示李明府

郭子是趙節度同好

安西美少年脫劍卸弓弦不倚將軍勢皆稱司馬  
賢秋山城北面古治郡東邊池一作江上舟中月遙  
思李郭儂

送襄州任別駕

別乘向襄州蕭條楚地秋江聲官舍裏山色郡城  
頭莫羨黃公蓋須乘彥伯舟高陽諸醉客唯見古  
時丘

送懷州吳別駕

灞上柳枝黃壚頭酒正香春流飲去馬暮雨濕行  
裝驛路通函谷州城接太行覃懷人總喜別駕得

王祥

送崔員外入奏因訪故園

欲謁明光殿先

一作應

趨建禮門僊郎去得意亞相

正承恩竹裏巴山道花間漢水源憑將兩行淚爲

訪邵平園

送許員外江外置常平倉

詔置海陵倉朝推畫省郎還家錦服貴出使補衣  
香水驛風催舫江樓月透牀仍懷陸氏橘歸獻老  
親嘗

送四鎮薛侍御東歸

相送淚沾衣天涯獨未歸將軍初得罪門客復何  
依夢去湖山閣書停隴鴈稀園林幸接近一為到  
柴扉

陝州月城樓送辛判官入奏

送客飛鳥外城頭樓最高樽前遇風雨牕裏動波  
濤謁帝向金殿隨身唯寶刀相思灞陵月祇有夢  
偏勞

送裴判官自賊中再歸河陽幕府

東郊未解圍忠義似君稀誤落塵裏能持漢節  
歸卷簾山對酒上馬雪沾衣却向嫖姚幕翩翩去

若飛

磧西頭送李判官入京

一身從遠使萬里向安西  
漢月垂御淚沙費作  
損馬蹄尋河愁地盡  
過磧覺天低送子軍中飲  
家書醉裏題

送梁判官歸女几舊廬

女几知君憶春雲相逐歸  
草堂開葉裏苔壁取荷  
衣老竹移時小新花舊處  
飛可憐真傲吏塵事到  
山稀

水亭送劉顯使還歸節度

得底字



無計留君住，應須絆馬蹄。  
紅亭莫惜醉，白日眼看低。  
解帶憐高柳，移牀愛小谿。  
此來相見少，王事各東西。

送張都尉東歸

白羽綠弓弦，年年只在邊。  
還家劔鋒盡，出塞馬蹄穿。  
逐虜西踰海，平胡北到天。  
封侯應不遠，燕領豈徒然。

送李別將攝伊吾令充使赴武威便寄崔員外

詞賦滿書囊，胡爲在戰場。  
行間脫寶劔，邑里挂銅

章馬疾行千里鳧飛向五涼  
遙知竹林下星使對  
星郎

送蜀郡李接

飲酒俱未醉一言聊贈君  
功善爲爲政明主還應  
聞夜宿劔門月朝行巴水  
雲江城菊花發滿道香  
氛氲

送楊錄事充使

夫子方寸裏清秋澄霽江  
關西望第一郡內政無  
雙袂室下珠箔連宵傾玉  
缸使乎一作平仍未醉斜

月隱高

一作吟 牕

送王七錄事赴虢州

早歲即相知，嗟君最後時。  
青雲仍未達，白髮欲成絲。  
小店關門樹，長河華岳祠。  
弘農人吏待，莫使馬行遲。

送柳錄事赴果州

英掾柳家郎，離亭酒甕香。  
折腰思漢北，隨傳過巴陽。  
江樹連官舍，山雲到卧牀。  
知君歸夢積，去去劍川長。

送王錄事卻歸華陰

州玉錄事自華陰尉授虢

官舊

相送敬狂歌其如此別何攀轅人共惜解印日無  
多仙掌雲重見關門路再過雙魚莫不寄縣外是  
黃河

送宇文舍人出宰元城

得陽字

雙鳧出未央千里過河陽馬帶新行色衣聞舊御  
香縣花迎墨綬閨柳拂銅章別後能為政相思淇  
水長

送張昇卿宰新淦

官柳葉尚小長安春未濃送君潯陽宰把酒青門  
鍾水驛楚雲冷山城江樹重遙知南湖上祇對香

爐峯

崔駙馬山池重送宇文明府

得苗字

竹裏過紅橋花間藉綠苗池涼醒別酒山翠拂行  
鑣鳳去妝樓閉鳧飛葉縣遙不逢秦女在何處聽  
吹簫

虢州送天平何丞入京市馬

關樹晚蒼蒼長安近夕陽回風醒別酒細雨濕行  
裝習戰邊塵黑防秋塞草黃知君市駿馬不是學  
燕王

送秘書虞校書赴虞鄉丞

花綬俯腰新關東縣欲春殘書厭科斗舊閣別麟  
麟虞坂臨官舍條山映吏人看君有知己坦腹向  
平津

送張卿郎君赴硤石尉

卿家送愛子愁見灞頭春草羨青袍色花隨黃綬  
新縣西函谷路城北大陽津日暮征鞍去東郊一  
片塵

送張子尉南

不擇南州尉高堂有老親樓臺重蜃氣邑里雜鯨  
人海暗三山雨花明五嶺春此鄉多寶玉慎莫厭

清貧

餞李郎尉武康

潘郎腰綬新書上，縣花春山色低官舍。湖光映吏  
人不須嫌邑小，莫卽耻家貧。更作東征賦，知君有  
老親。

送江陵臬少府赴任便呈衛荊州

神仙吏姓梅，人吏待君來。渭北草新出，江南花已  
開。城邊宋玉宅，峽口楚王臺。不畏無知己，荊州甚  
愛才。

送顏少府投鄭荊州

一尉便垂白數年唯草玄出關策匹馬逆旅聞  
蟬愛客多酒債罷官無俸錢知君思少所適主  
人賢

夏初醴泉南樓送太康顏少府

何地堪相餞南樓出萬家可憐高處送遠見故人  
車野果新成子庭槐欲作花愛君兄弟好書向賴  
中誇

送鄭少府赴滏陽

子真河朔尉邑里帶清漳春草迎袍色晴花拂綬  
香青山入官舍黃鳥度宮牆若到銅臺上應憐魏



寢荒

送楚丘魏少府赴官

青袍美少年黃綬一神僊  
微子城東面梁王苑北  
邊桃花色似馬榆莢小於錢  
單父聞相近家書早  
爲傳

送江陵黎少府

悔繫腰間綬翻爲膝下愁  
那堪漢水遠更值楚山  
秋新橘香官舍征帆拂縣樓  
王程不敢住豈是愛  
荊州

送崔主簿赴夏陽

常愛夏陽縣往年曾再過縣中饒白鳥郭外是黃  
河地近行程少家貧酒債多知君新稱意好得奈  
春何

陪使君早春西亭送王贊府赴選

得歸字

西亭繫五馬爲送故人歸客舍草新出關門花欲  
飛到來逢歲酒却去換春衣吏部應相待如君才

詞稀

送滕亢擢第歸蘇州拜親

送爾姑蘇客滄波秋正涼橘懷三箇去桂折一枝  
將一作香湖上山當舍天邊水是鄉江村人事少時

作捕魚郎

送蒲秀才擢第歸蜀

去馬疾如飛看君戰勝歸  
新登郗詵第更着老萊衣  
漢水行人少巴山客舍稀  
向南風候暖臘月見春輝

送嚴訛擢第歸蜀

巴江秋月新閣道發征輪  
戰勝真才子名高動世人  
工文能似舅擢第去榮親  
十月天官待應須早赴秦

送薛彥偉擢第東歸

時輩似君稀  
青春戰勝歸  
名登秬詵第  
身着老萊衣  
稱意人皆羨  
還家馬若飛  
一枝誰不折  
棣萼獨相輝

送胡象落第歸王屋別業

看君尚少年  
不第莫悽然  
可卽疲獻賦  
山村歸種  
田野花迎短  
褐河柳拂長  
鞭置酒聊相  
送青門一  
醉眠

送杜佐下第歸陸渾別業

正月今一作初  
欲半陸渾花  
未開出關見  
青草春色  
正東來夫子  
且歸去明時  
方愛才還須  
及秋賦莫

卽隱蒿萊

送孟孺卿落第歸濟陽

獻賦頭欲白還家衣已穿  
羞過灞陵樹歸種汶陽田  
客舍少鄉信牀頭無酒錢  
聖朝徒側席濟上獨遺賢

送周子落第遊荆南

足下復不第家貧尋故人  
且傾湘南酒羞對關西塵  
山店橘花發江城楓葉新  
若從巫峽過應見楚王神

卷終

丙籤二十七岑參之七

唐音統籤卷

一百二十九

五言律詩三

送崔全被放歸都觀省

夫子不自衒世人知者稀  
來傾阮氏酒去着老萊衣  
渭北草新出關東花欲飛  
楚王猶自惑片玉且將歸

送張郎中赴隴右觀省卿公

時張卿公充節度留後

中郎鳳一毛世上獨賢豪  
弱冠已銀印出身唯寶刀  
還家卿月迴度隴將星高  
幕下多相識邊書醉嬾操

送樊侍御使丹陽便觀

卧病窮巷晚忽驚  
驄馬來知君京口去  
借問幾時回  
驛舫江風引鄉書  
海鴈催慈親應倍喜  
愛子在霜臺

送裴校書從大夫淄川觀省

尚書東出守愛子  
向青州一路通關樹  
孤城近海樓  
懷中江橘熟倚處  
戟門秋更奉輕軒去  
知君無客愁

送楊千牛

一作秋

趁歲赴汝南  
郡觀省便成婚

得寒字

問古轉征鞍安仁道姓潘歸期明主賜別酒故人  
歡珠箔障爐煖狐裘耐臘寒汝南遙倚望早去及  
春盤

送陝縣王主簿赴襄陽成親

六月襄山道三星漢水邊  
求鳳應不遠去馬賸須  
鞭野店愁中雨江城夢裏  
蟬襄陽多故事爲我訪  
先賢

送弘文李校書往漢南拜親

未識已先聞清辭果出羣  
如逢禰處士似見鮑叅  
軍夢瞻巴山雨家連漢水  
雲慈親思愛子幾度泣



沾裊

送張直公歸南鄭拜省

夫子思何速世人皆歎奇萬言不加點七步猶嫌  
遲對酒落日後還家飛雪時北堂應久待鄉夢促  
征期

送鄭堪歸東京汜水別業

別業  
字

客舍見春草忽聞思舊山看君灞陵去匹馬成臯  
還對酒風與雪向家河復關因悲宦遊子終歲無  
時閑

送陳子歸陸渾別業

雖不舊相識知君丞相家故園伊川上夜夢方山  
花種藥畏春過出關愁路賒青門酒壚別日暮東  
城鴉

閔鄉送上關秀才歸關西別

風塵奈汝

一作爾

何終日獨波波親老無官養家貧

在外多醉眠輕白髮春夢渡黃河相去關城一作山  
近何時更肯過

漣水東店送唐子歸嵩陽

野店臨官路重城壓御堤山開灞水北雨過杜陵  
西歸夢秋能作卿書醉懶題橋回忽不見征馬尚

聞嘶

醴泉東谿送程皓元鏡徵入蜀

得寒字

蜀郡路漫漫梁州過七盤  
二人來信宿一縣醉衣冠  
谿逼春山冷林交宴席寒  
西南如噴酒遙向雨中看

南樓送衛憑

得歸字

近縣多過

一作來

客似君誠亦稀南樓取涼好便送

故人歸鳥向望中滅  
雨侵晴處飛應須乘月去  
且爲解征衣

澧頭送蔣侯

君住澧水北我家澧水西兩村辨喬木五里聞鳴  
雞飲酒谿雨過彈碁山月低徒聞蔣生徑爾去誰  
相攜

送顏韶

得飛字

遷客猶未老聖朝今復歸一從襄陽住幾度梨花  
飛世事了可見憐君人亦稀相逢貪醉卧未得作  
春衣

臨洮客舍留別祁四

無事向邊外至今仍不歸三年絕鄉信六月未春  
衣客舍泚水聒孤城胡鴈飛心知別君後開口笑

應稀

祁四再赴江南別詩

萬里來又去三湘東復西  
別多人換鬢行遠馬穿蹄  
山驛秋雲冷江帆暮雨低  
憐君不解說相憶在書題

送人歸江寧

楚客憶鄉信向家湖水長  
住愁春草綠去喜桂枝香  
海月迎歸楚江雲引到鄉  
吾兄應借問爲報鬢毛霜

送人到安西

上馬帶胡鉤，翩翩度隴頭。  
小來思報國，不是愛封侯。  
萬里鄉爲夢，三邊月作愁。  
早須清黠虜，無事莫經秋。

送楊子

斗酒渭城邊，爐頭耐醉眠。  
梨花千樹雪，楊葉萬條煙。  
惜別添壺酒，臨岐贈馬鞭。  
看君頰上去，新月到家圓。

發臨洮將赴北庭留別

得飛字

聞說輪臺路，連年見雪飛。  
春風曾不到，漢使亦應稀。  
白草通疎勒，青山過武威。  
勤王感道遠，私向夢

中歸

送二十二兄北遊尋羅中

斗柄欲東指吾兄方北遊無媒謁明主失計干諸侯  
夜雪入穿履朝霜凝敝裘遙知客舍飲醉裏聞春鳩

還高冠潭口留別舍弟

昨日山有信祇今耕種時遙傳杜陵叟怪我還山遲  
獨向潭中酌無人林下基東谿憶汝處閑卧對鷓鴣

稠桑驛喜逢嚴河南中丞便別

得時字

駟馬映花枝，人犬夾路窺。離心且莫問，春草自應知。  
不謂青雲客，猶思紫禁時。參忝西掖  
會聯袂別君能幾日，看取鬢成絲。

送劉郎將歸河東

同用  
邊字

借問虎賁將，從軍凡幾年。殺人寶刀缺，走馬貂裘穿。  
山雨醒別酒，關雲迎渡船。謝君賢主將，豈忘輪臺邊。  
參會北庭事  
趙中丞故有下句

送李卿賦得孤島石

得離  
字

一片他山石，嶢嶢映小池。綠窠攢剝蘚，尖頂坐鸕鷀。  
水底看常倒，花邊勢欲欹。君心能不轉，卿月豈



相離

詠郡齋壁畫片雲

得歸字

雲片何人灑塵侵  
粉色微未曾行  
雨去不見逐風歸  
只怪偏凝壁  
回看欲惹衣  
丹青忽借便  
移向帝鄉飛

使院中新栽柏樹子呈李十五栖筠

愛爾青青色  
移根此地來  
不曾臺上種  
留向磧中栽  
脆葉欺門柳  
狂花笑院梅  
不須愁歲晚  
霜露豈能摧

臨洮龍興寺玄上人院同詠青木香叢

移根自遠方種得在僧房六月花新吐三春葉已  
長抽莖高錫杖引影到繩牀只爲能除疾傾心向  
藥王

成王挽歌

幽山悲舊桂長坂愴餘蘭地底孤燈冷泉中一鏡  
寒銘旌門客送騎吹路人看漫作琉璃椀准王誤  
合丹

苗傅中挽歌二首

攝政朝章重持衡國相尊筆端通造化掌內運乾  
坤青史遺芳滿黃樞故事存空悲涓轡路誰對漢

皇言

天子悲元老都人惜上公優賢几杖在會葬市朝  
空丹旆飛斜日清笳怨暮風平生門下客繼美廟  
堂中

故僕射裴公挽歌三首

盛德資邦傑嘉謀作世程門瞻駟馬貴時仰八龍  
名罷市秦人送還鄉絳老迎莫埋丞相印留着付  
玄成

五府瞻高位三台喪大賢禮容還故絳寵贈冠新  
田氣歇汾陰鼎寃飛京兆阡先時劔已沒壠樹久

蒼然

富貴徒言久鄉閭歿後歸錦衣都未着丹旄忽先  
飛哀挽辭秦塞悲笳出帝畿遙知九原上漸覺吊  
人稀

河西太守杜公挽歌四首

蒙叟悲藏壑殷宗惜濟川長安非舊日京兆是新  
阡黃霸官猶屈蒼生望已愆唯餘卿月在留向杜  
陵懸

鼓角

一作吹

城中出墳塋郭外新雨隨思太守雲從

送夫人蒿里埋雙劔松門閉萬春回瞻北堂上金

印已生塵

憶昨明光殿新承天子恩剖符移北地投鉞領西  
門塞草迎軍幕邊雲拂使軒至今聞隴外戎虜尚  
亾蒐

漫漫澄波闊沈沈大厦深秉心常匪席一作石行義  
每揮金及隱窺蘭室招攜入翰林多君有令子猶

注世人心

故河南尹岐國公贈工部尚書蘇公挽歌二

首

河尹恩榮舊尚書寵贈新一門傳畫戟幾世駕朱

輪夜色何時曉  
泉臺不復春  
唯餘朝服在金印  
已生塵

白日扃泉戶  
青春掩夜臺  
舊堂階草長  
空院砌花開  
山晚銘旌去  
郊寒騎吹迴  
三川難可見  
應惜庾公才

韓員外夫人清河縣君崔氏挽歌二首

令德當時重  
高門舉世推  
從夫榮已絕  
封邑寵難追  
陌上人皆惜  
花間鳥亦悲  
僊郎看隴月  
猶憶畫眉時

遽聞傷別劍  
忽復歎藏舟  
燈冷泉中夜  
木寒地下

秋青松弔客淚丹旄路人愁徒有清河在空悲逝  
水流

西河郡太原守張夫人挽歌

鵲印慶仍傳魚軒寵莫先從夫元凱貴訓子孟軻  
賢龍是雙歸日鸞非獨舞年哀榮今共盡悽愴杜  
陵田

五言排律

早秋與諸子登虢州西亭觀眺

亭高出鳥外客到與雲齊樹點千家小天圍萬嶺  
低殘虹挂陝北急雨過關西酒榼緣青壁瓜田傍

綠谿微官何足道愛客且相攜唯有鄉園處依依  
望不迷

佐郡思舊遊

并序

己亥歲春三月參自補闕轉起居舍人夏四月  
署號州長史適見秋草涼風復來昔桓譚出爲  
六安丞常忽忽不樂今知之矣悲州  
縣瑣屑思掖垣清閑呈左右省舊遊

幸得趨紫殿却憶侍丹墀史筆衆推直諫書人莫  
窺平生恒自負垂老此安卑同類皆先達非才獨  
後時庭槐宿鳥亂階草夜蟲悲白髮今無數青雲  
未有期

和刑部成員外秋夜寓直寄臺省知己



列宿光三署僊郎直五宵時衣天子賜厨膳大官  
調長樂鐘應近明光漏不遙黃門持被覆侍女捧  
香燒筆爲題詩點燈緣起草挑竹喧交砌葉柳鞦  
拂臆條粉署榮新命霜臺憶舊寮香名播蘭蕙重  
價蘊瓊瑤擊水翻滄海搏風透赤霄徵才喜同舍  
何幸忽聞韶

送郭僕射節制劔南

鐵馬擐紅纓幡旗出禁城明王親授鉞丞相欲專  
征玉饌天厨送金杯御酒傾劔門乘嶮過關道踏  
空行山鳥驚吹笛江猿看洗兵曉雲隨去陣夜月

遂行營南仲今時往西戎計日平將心感知已萬  
里寄懸旌

送嚴黃門拜御史大夫再鎮蜀川兼覲省

授鉞辭金殿承恩戀玉屏登壇漢主用講德蜀人  
思副相韓安國黃門向子期乃州重人夢劔閣再  
題詞春草連青綬晴花間赤旗出鷲朝送酒江月  
夜供詩許國分憂日葵朝色養時蒼生望已久來  
去不應遲

送盧郎中除杭州赴任

罷起郎官草初分刺史符海雲迎過楚江月引歸

序  
吳城底濤聲震樓端  
蜃氣孤千家  
窺驛舫五馬飲  
春湖柳色供詩用  
鶯聲送酒須知君望鄉處枉道  
上姑蘇

奉送李賓客荆南迎親

迎親辭望苑恩  
詔下慈闈昨見雙魚去  
今看駟馬歸  
驛帆湘水闊  
客舍楚山稀  
手把黃香扇  
身披萊子衣  
鵲隨金印喜  
烏傷板輿飛  
勝作東征賦  
還家滿路輝

餞王峯判官赴襄陽道

故人漢陽使  
走馬向南荆  
不厭楚山路  
祇憐襄水

清津頭習氏宅江上夫人城夜入橘花宿朝穿桐  
葉行害羣應自懾持法固須平暫得青門醉斜光  
速去種

賦得鶴送史司馬赴催相公幕

一作李白詩

崢嶸丞相府清切鳳凰池美爾瑤臺鶴高棲瓊樹  
枝歸飛晴日好吟弄惠風吹正有耒軒樂初當學  
舞時珍禽在羅網微命若遊絲願托周南羽相衛  
谿水潛

六月三十一

一作十三

日水亭送華陰王少府還縣

得潭字

唐音新集  
亭晚人將別池涼酒未酣關門勞夕夢僊掌引驂  
驂荷葉藏魚艇藤花罨客簪殘雲收夏暑新雨帶  
秋嵐失路情無適離懷思不堪願茲庭戶裏別有  
小江潭

送薛播擢第歸河東

歸去新戰勝盛名人共聞鄉連渭川樹家近條山  
雲夫子能好學聖朝今用文弟兄負世譽詞賦超  
人羣雨氣醒別酒城陰低暮曛遙知出關去一作後  
更有一終軍

送嚴維下第還江東

勿歎今不第似君殊未遲且歸滄洲去相送青門  
時望鳥指鄉遠問人愁路疑傲裘沾暮雪歸棹帶  
流澌嚴子灘復在謝公文可追江臯如有信莫不  
寄新詩

送陶銑乘舉荆南覲省

明時不愛壁痕跡東南遊何必世人識知君輕五  
侯采蘭渡漢水問絹過荊州異國有歸興去鄉無  
客愁天寒楚塞兩月淨襄陽秋坐見吾道遠令人  
看白頭